



SHAIKH Harun (belakang empat kanan) bersama mualaf yang ditaja Maidam untuk mengerjakan umrah. - Gambar NSTP/BAHAROM BAKAR

Saran TH perkenal semula kuota khas haji fakir, miskin, mualaf

Kuala Terengganu: Lembaga Tabung Haji (TH) di saran memperkenalkan semula kuota khas haji seperti dilaksanakan pada tahun 2017 bagi membolehkan golongan fakir, miskin dan mualaf dari

negeri ini menunaikan ibadah haji.

Yang Dipertua Majlis Agama Islam dan Adat Melayu Terengganu (Maidam), Datuk Shaikh Harun Shaikh Ismail berkata, Maidam bersedia mem-

biayai kos menunaikan rukun Islam kelima itu jika TH bersetuju memperkenalkan semula kuota itu.

“Beberapa ketetapan akan diambil kira termasuk berusia 50 tahun ke atas, sihat tubuh badan

serta fasih membaca al-Quran,” katanya kepada media selepas merasmikan Majlis Anugerah Insentif Paket Menunaikan Umrah Peserta Tilawah, Hafazan al-Quran, Azan dan Kuiz Saudara Kita, di

Dewan Kompleks Darul Hidayah, di sini.

Turut hadir Ketua Penolong Setiausaha (Pengurusan Zakat) Maidam, Nazli Amirri Ngah.

Shaikh Harun berkata, Maidam mengadakan per-

bincangan dengan pengurusan TH bagi tujuan terbabit.

“Kita akan bincang dan minta agar pengurusan TH meluluskan permohonan kuota tambahan menunaikan haji terutama kepada Maidam,” katanya.